

Thursday, September 3, 2026

Time - 2:30pm - 2:35pm

AKASHVANI AIZAWL
REGIONAL NEWS UNIT
REGIONAL NEWS BULLETIN
(MIDDAY)



TEACHERS DAY

Vawiin hian Mizoram hmun hrang hranga sorkar leh private sikul - ah te Zirtirtu te ni (Teachers Day) hman a ni.

Zirtirtute Ni hi zirna ngaisang em em tu India ram President pahnihna, Dr. Sarvepalli Radhakrishnan pian champhaphak lawmnan kum 1962 atang khan September ni 5 - ah hman thin a ni a, kumin hi Zirtirtute Ni vawi 65-na a ni.

Kumin Zirtirtute ni hi Inrinni a a tlak avang leh Sept ni 4 chawlh a nih avangin, State Working Committee rel angin vawiin hian sorkar leh private school hrang hrangah mahni remchan dan leh sorkar ruahmanna angin zirtirtute ni hi hman a ni.

Vawiin zirtirtute ni lawmna hi sikul tam zawk ah chuan zirtirtute chawimawi nan an puala hun hman niin, zirlai naupangten zirtirtute chawimawi nan thilpek an hlan a. Chief Minister Pu Lalduhoma leh School Education Minister Dr. Vanlalhlana'n Zirtirtute Ni puala chibai bukna thuchah sikul tinah chhiar chhuah a ni bawk.

Kumin Zirtirtute Ni pual hian chawimawina National Teachers Award dawng turin ram puma zirtirtu thlan chhuah 48 zingah Govt. Lunglei Electric Veng High School Headmistress Pi Lalnunmawii chu thlan a ni a, September ni 5 hian New Delhi-a Vigyan Bhawan-ah President Droupati Murmu-in a hlan dawn a ni.



MPCC

Mizoram Pradesh Congress Committee chuan Chief Minister in thudiklo Mizoram mipui a hrihl a, Mizoram history diklo thalaiten an zir ang tih a hlau an ti.

MPCC chuan Chief Minister thusawi diklo te thuchhuah siama tarlangin, Govt. Mizoram law College Freshers Social & Felicitation neihnaah -371G kha chu khalai inremna thuthlunga ziah kha a ni satliah lo va, India constitution ah kahluh a ni a, India sorkar in Constitution Amendment Bill a pulut a, chu Bill ngaihtuahnaa thu sawi ve leh passed-tu te zinga tel ve awmchhun a ni ti a a sawi te, thlahlui ni 27

Assembly thutkhawm ah 53rd Constitution Amendment Bill 1986 (Art 371G) Lok Sabha a sawihonaah a passed tute zinga mi a nia, a telve reng ti a sawi te chu thudiklo a ni an ti a, 53rd Constitution Amendment Bill 1986 (Art 371G) Lok Sabha a sawihona hi kum 1986 Aug ni 5 a neih a ni a, he bill sawihonaa thusawitu list Parliament Digital Library-ah Notheast MP dangte chu thu an sawi tih record-a a lan laiin Pu Lalduhoma hming hi thusawitu list ah record a awm ve lo an ti a ni.

Hemi tuma State of Mizoram Bill sawiho a niha vote lak a nih khan tuna Chief Minister Pu Lalduhoma hi he bill vote tu zingah a tel tarlan a ni lo va, a bill do zawnga vote tu hming zingah pawh a tel lo tih an tarlang bawk.



VIGILANCE WORKSHOP

Vigilance Department-in Mizoram Lokayukta, Anti Corruption Bureau leh Mizoram Police te puala an buatsaih Prevention of Corruption Act, 1988 zirhona chu wawiin khan Aizawlah Chief Minister Pu Lalduhoman a hawng.

Thu sawiin Chief Minister chuan, sorkar langtlang leh thianghlim din an duh avangin rang takin Lokayukta an thuam chak a, ACB tan lirthei thar leina an sanction-a, Lokayukta Inquiry Officer te chu vehicle entitlement an pe a ti a. ACB a thawkte hnena Special Incentive Allowance pek thin, Covid19 hripui harsatna vanga sutsak chu an pe thar a, Lokayukta Inquiry officer te tan an pe thar bawk a. Anti- Corruption Campaign an kalpuina tur thlengin fund an pe tih a sawi bawk.

Inquiry Officer te chu danin thuneihna sang tak a pek angin an thuneihna chu dan angin eirukna leh hlemhletna hmuh chhuah nan hmang se a ti a. Investigation an kalpuina tinrengah tu mitmei mah veng lo turin a chah a ni.

Chief Secretary, Chief Vigilance Officer ni bawk Pu Khilli Ram Meena pawhin thusawiin Eirukna dona hna thawktute an tuaihriam chuan an theihna a lo pung ang a, chak zawkin hma an la thei dawn a ti a. Anmahniah phurna leh thawhhona tha zawk a siam an beisei a ti bawk.



SERCHHIP DRUG SEIZED

Cheng vbc 11 chuang hu Methamphetamine chu Serchhip Police ten Myanmar lam mi hnen atangin an man.

Police te hian an thudawn bawhzuiin nizan dar 11:30 khan Tuichang Lei atanga km 5 vela hlaah ruihhlo leh a neitu nia rinhlelh hi an man a, an mi man hi Lalpanliana, kum 29, Falam, Myanmar a cheng ni a insawi a ni a, ahnen atangin Methamphetamine kg 14 leh gram 26 an man a ni.

Ruihhlo hi Brick ang tiat vel packet 15 niin, mum nuai 1 sing 5 a awm a; NCB chhut danin a hralh sum hlut zawng hi cheng vaibelchhe 11 leh nuai 40 a tling ni. He case hi NCB-in a chhui zui mek a ni.